

جَزَائِرِ حَاكِمِيَّة

جمعه ایرتسی

نومرو	صفر	سنه	ایلول	سنه	صحیفه
۶۱۷	۲۳	۱۳۰۹	۱۴	۱۳۰۷	۸۹۸۹

(اشبو غزته بهر هفته جمعه ایرتسی کونلری چیقار . سنه لکی در سعادت ایچون محیدیه یکر می فروش)
 (حسابیله التمش غروشدیر . طشره لر ایچون اون بش فروش پوسته اجرتی ضم اولنور . بهر)
 (نسخه سی ینه محیدیه یکر می فروش اولق اوزره یوز باره یه هر یرده صاتیلور . درج اولنه جق)
 (اعلاناتک هر برندن بر محیدیه اخذ اولنور . سنه لکنه مشتری اولق استیانلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

محکمه سی ریاستندن مستغنی قسطی ساکیلار یدی
 افندی به

قاریوط بدایت محکمه سی ریاستی ساقز تجارت
 محکمه سی رئیس حسن اشرف افندی به

ساقز تجارت محکمه سی ریاستی هرکیت بدایت
 محکمه سی رئیس صوا افندی به توجیه .

قسمت رسمی

توجیهات

جزایر بحر سفید ولایتی داخلنده یونده
 بدایت محکمه سی ریاستی پیلمار بدایت محکمه سی
 باش کاتبی شوقی افندی به

قاشوط بدایت محکمه سی ریاستی لریوز بدایت

(فی ۱۱ صفر سنه ۳۰۹ وفی ۳ ایلول)
(سنه ۳۰۷ تاریخده بالجه ولایات استیناف)
(محکمه سی مدعی عمومیلرینه ومدعی عمومی)
(بولنمیان محللر مدعی عمری معاوئرینه یازیلان)
(تحریرات عمومیہ صورتیدر)

معدن تحریری استدعاسنده بولنانلردن بعضیلر
وقتیه استحصال ایلدکری رخصتنامه موجبجه
تحریرات و کشفیات اجراییله بولندقلری معدنلرک
نمونه وخریطه لرینی اعطا ایدرک عهده لرینه
احالہ سی طلبنده بولندقلری کبی برطاقی دخی
معاملات نظامیه بی اکیال ایله احالہ فرمان عالیسی
اله بیلیمک ایچون بولندقلری مأموریتلردن استعفا
ایتمکده اولوب حالبوکه بو یولده ترک مأموریت
ایدرک مجدداً و یاخود فراغ انتقال صورتیه معدن
درعهده ایدرک بعدازین اومعدنک واقع اولدینی
ولایت داخلنده بر مأموریتده قوللانمیه جقلرینه
دائر معادن نظامنامه سننده صراحت اولدیغندن
منوعیت واقعہ نظامنامه سنک یکریمی اوچنجی
ماده سنه تذیل ایدیلان فقره نظامیه نک نشرندن
صکره تحری رخصتنامه سی طلبنده بولنانلره منحصر
قالدینی ومأمورینک بولندقلری ولایت داخلنده
معدن درعهده ایلملرینک منعی تحری رخصتنامه سی

استحصالی امرنده ومعدنی درعهده ایتمک متعلق
سائر معاملاتده اعمال نفوذ ایدمهاملری مقصدینه
مبنی اولوب انجق بو مثللولر تحری رخصتنامه سی
وامتیاز فرمان عالیسی استحصالندن زیاده معدنک
ایشلدلمسجه و نقلیاتجه اعمال نفوذ ایدمه جکلرندن
فقره مذکورہ نک مقصدی تأمین ایدمه جکی
مالیه نظارت علیہ سندن اشعار اولنمسی اوزرینه
بو بابده شورای دولت تنظیمات دائره سندن قلمه
النان مضبطه ده مبحوث عنه اولان فقره نظامیه نک
وضعندن مقصد اصلی کرک معدنک تحریری و امر
احالہ نک اجرایی و کرک اعمال و نقلیات
خصوصلرندہ اجرای نفوذ اولنمه مامسی ماده سی
بولدیغندن طشره لرده مستخدم مأموریندن بری
بولدینی ولایت داخلنده معدن تحری ودرعهده
ایتمک ایستدیکی حالده مأموریتندن استعفا ایتمکجه
استدعاسنک قبول اولنامسی وبالاستعفا معدنی
درعهده ایتمکدن صکره او مأمورک بردها او
ولایت داخلنده هر نوع دولت مأموریتده واداره
و بلدیہ مجلسلری اعضالغنده استخدام اولنامسی
لازم کله جکی کوسترلش اولدینی بیان عالیسیله
اجرای ایجابی بوکره باتذکره سامیه امر و اشعار
یسورلش ولایم کلانلره تبلیغ اولنمق اوزره
اشبو تحریراتک نسخ مطبوعه کافیه سی ارسال

قلنمش اولمقله مأمورین عدلیه حقنده دخی اولوجهله
معامله اجرایی سیاقنده .

قسم غیر رسمی

(غلاسقوف لوندون نام انکلین سیغورطه)
(قومپانیه سنه درسعادته طراحیلرده کائن)
(مغازه سنی سیغورطه ایتدیره رک اوچوز بش)
(سنه سی تموزینک اون طقوزنجی چهارشنبه کونی)
(ساعت اونبر یجق راده لرندہ قصداً احراقه)
(تشبث ایدرک ید اختیارندہ اولیان اسباب)
(مانعه حیلولتیه فعله کتوره مدیکی ادعا اولنمسنندن)
(طولایی مظنون علیہ بولنان فراری کهر بارجی)
(خپارسومک اجرا قلنان محاکمه علنیہ سی)
(ضبطنامه سی صورتندن مابعد)

ومذکور دستکاهک التتده کی چکمه لرک بریسنک

اغزی اچیقجه وایچروسندن دخی دومان چیقوب
یانمقله اولدیغنی کورملریله اهلینک کتوردیکی صو
ایله سوندر دکلرینی و بواننده ایچ مغازه نک تیمور
قبوسنه الی تصادف ایدرک حسن ایتدیکی صیجاقلق
اوزرینه ایچروده دخی یانغین اولدیغنی اکلا یه رق
موجود بولنانلره خبر و یردیکنندن مذکور
قبونک دخی کلیدی اولدینی جهتله اوزرنده بولنان
تیمور کینکلی پنجره سنه چیقمش ایسه ده مذکور
پنجره نک دخی تیمور کینکلی ایچ طرفندن
سد ایدیلوب اچق قابل اوله مدیغندن بکچی حسن
بر بالطه کتوروب تیمور قبونک کلیدی شکست
ایدرک قبونی کشاد ایتدکلرندہ ایچروده دخی بر
چوق دومان اولدینی مشاهده ایدیلرک کتوریلان
صوبی دوکوب یواش یواش دومان زائل اولدقن
صکره بر طاقم صندوقلرک ایچروسندہ بولنان
اغاج اغزلقلرک یانمقله اولدیغنی کوروب انلریده
اطفا ایلمش اولدقلرینی و صندوقلرک اراشندہ
اوفق برصاچ منغال کورمش ایسه ده ایچنده آتش
اولدیغنی وکیجه ساعت اوچ یجق راده لرندہ
بکچی قصبار کله رک اوراده بولنان بکجیلرک زه ده
کر یورسک دیو واقع اولان سؤللری اوزرینه
چور باجم دکانده قاله رق بکا برغزوی پرنج
الایروب خانه سنه کوندردی دیدیکی و کندوسی

بوايشدن طولاي حضور مستطقه جلب اولندقدن
 بش اون كون صكره بركون طانيديني مهران ايله
 محمود پاشايه كتمك اوزره بئچه قېوسى اوكنه
 كللكارنده متهم خپار سوم تصادف ايدوب يكديكرينه
 سلام و يردكدن صكره مرقوم خپار سوم نه خبر
 سنى شهادته چاغرمشله نه سويلدك ديو وقوعبولان
 سؤالى اوزرينه نه كوردن ونه بيلورم ايسهم انى
 سويلدم ديمكله مغازه نك ايچنده و ديو به ناظر
 پنجره نك آچيق و يا قبالى اولديغنى صورديلر مى
 ديمسنة اوت صورديلر پنجره قبالى ايدى بنده
 قبالى ديدم جوابنه قارشو نيچون آچيق ديمك
 باباسنك جاننه فلان ايدىم بويله چابوق باصيله جغنى
 بيلسه ايدم بردن پارلادير ايدم ديوب وداع
 اتناسنده امان برادر بردها چاغرلر ايسه
 پنجره نك آچيق اولديغنى سويله ديديكنى
 ولدى السؤال حريق اطفاف اتناسنده جامكانلرده
 بر شى كورمىوب انجق ديو قېوسنك اوزرنده
 بولنان بياض كاغذك بيله يانماش اولديغنى و ديو
 كهر بار اغزلق كورمىوب اغاج اغزلقلر بولنديغنى
 و طيشاده كى جامكانلرده بر مقدار كهر بار كورديكنى
 افاده و و كيللردن شايوچ افندى دى ديو قېوسنك
 اوزرنده واقع اولوب نوبارك افاده ايتديكى قبالى
 پنجره نك جام و يا خود چرچيوه سنك قيرلسى

دها اسهل ايكن تيمور قېونك بالطه ل ايله قيرلسنده
 بر مقصد و مناسبت اولديغنى و بناء عليه شاهد
 مرقومك ماهيت شهادتك بو صورتله تظاهر
 ايتديكى و معاون مومى اليه ممدوح بك دى
 مذكور پنجره نك جام و چرچيوه سى اولمىوب
 تيمور قنادرينك ايجرودن قبالى بولنديغنى جهته
 قېونك كايدينك قيرلسنه مجبوريه حاصل اولديغنى
 و متهم خپار سوم دى وقعه دن بر ماه مقدم مرقوم
 نوبار كندوسندن التمش ليرالق مال طلب ايتمش
 ايسه ده و يرمديكندن كندوسنه خصوصى بولنديغنى
 درميان و ديكر شاهد ترزى مغرديج دى بركون
 اقشام اوزرى تخميناً ساعت اون ايكي راده لرنده
 متهم خپار سومك مغازه سى پنجره سندن بردومان
 چيقدىغنى كورمش و او ارهلق قېويه بكجييلر
 طرفندن ديمه ايله اوريلوب اچيلديغنى صروده
 كندوسنك كيوه چكلكيكندن بشقه بر معلوماتى
 اولديغنى و انجق وقعه دن برقاج آى صكره شمدى
 و انده بولنان ماكنه جى قره بت اووقات اوخالس
 افندى اسمنده بريسى صاريان اونيكك دكانه
 كلهرك بنم ايتديكم كى شهادت ايدر ايسك پاره
 و يرم ديديكنده قره بتك دى بن پاره ايله
 شهادت ايتم ديهرك و باغيروب چاغيره رق دكاندن
 چيقمش اولديغنى مرقوم قره بتك كندوسنه حكايه

ايلديكى مثللو بركون دى ترزى نوبار مرقوم
 قره بتة خطاباً نه در اوستك باشك ياغ ايجروسنده
 ديمكله مرقوم قره بتك دى بن ماكنه جى يم
 سنك كى سيغورطه دن پاره الوب البسه المدم
 جوابنه قارشو مرقوم نوبارك دى اوت سنده
 آدم اولايكده الايدك ديمش اولديغنى استماع
 ايلديكى و بكجي حسن دى وقعه كوني اقشام
 اوزرى ساعت اون ايكي چاريك كچرك يانغين
 ظهور ينى استماع ايتمكله محل حريقه كلديكنده
 متهم خپار سومك دكانك اوستنده كى پنجره دن
 دومان چيقدىغنى كورمش و اوراده موجود بولنان
 مختار اسعد بك و سائر نك امريله قبالى بولنان
 دكان قېوسنك كليدى قيريله رق طيش مغازه به
 كيردكارنده اورته ده بولنان دستكاهك اوزرنده كى
 جمال قصبارك يتاغك بر قسمى يانمقده و مذكور
 دستكاهك التمه كى سورمه لرك بر كوزنده آتش
 اولديغنى كورملىله اهالينك كتوردىكى صو ايله
 اطفاف ايلمش ايسه لرده دومانك ينه زائل اولديغنى
 و ايچ مغازه نك قبالى بولنان تيمور قېوسنك المختار
 دليكندن باقوب ايجروده دى آتش اولديغنى
 كورمكله و يرمش اولديغنى خبر اوزرينه طيشايدن
 بريسنك ايچ مغازه نك پنجره سنى آچيك ديمسيله
 كندولر يله برلكده ايجرويه كيرمش اولان ترزى

نوبار يوقارويه چيقتوب پنجره نك دى قبالى
 اولديغنى بيان ايتمش ايسه ده دوماندن اولوقت
 پنجره نى كورمىوب انجق صكره دن كورديكنى
 و انك اوزرينه كندوسى بالطه ايله ايچ مغازه نك
 تيمور قېوسنك دى كليدينى شكست ايدرك ايجرويه
 كيردكارنده اوچ صندوق طوليسى اغاج اغزلق
 و بش اون عدد قوطيده بولنان ابانوز كهر بارلى
 سيغاره اغزلقلرك آتش الوب يانمقده اولدقلىنى
 كوروب انلركده اطفاف ايلديكى و او ائشاده
 صندوقلرك اراسنده بر منغال كورمش ايسه ده
 ايچنده آتش اولوب اولديغنى فرقده اولديغنى
 ولدى السؤال طيش مغازه ده بولنان دستكاهك
 التمه كى كوزلردن آتشك ظهور ايدوب يتاغه
 سرايت ايلمش اولديغنى و اوست قاتده بولنان
 ديركارك دى يانمش ايدوكنى و طيش مغازه دن
 ايچ مغازه به آتشك سرايتى ممكن اولديغنى و كيجه
 ساعت اوچ راده لرنده بكجي قصبارى قېونك
 اوكنده و پوليسلرك ياننده كورمش ايسه ده
 دكانى قاچده قباديغندن معلوماتى اولديغنى و بكجي
 محمد دى مرقوم نوبار و بكجي حسنك افاده لرى
 وجهله مذكور دكانك كرك طيش و كرك ايچ
 قبولرينك كليدلر بالطه ايله قيريله رق ايجرويه
 كيردكارنده طيش مغازه نك اورته يرنده دستكاه

قلقلو بانقونك اوزرنده كي يتاغك طوشمش
و آچيق بولنان سورمه لرك طيشنده آتش اولمىوب
اچروسندن آتش چيقمقده بولمش اولديغى
كورملر يله اطفاء ايدلديكى و صكره اچ مغازه يه
دخى كير يله رك اورده بولنان صندقلر اچروسنده كي
اغاج اغزلقلرك دخى آتش الهرق يانقمده اولديغى
كور يله رك سوندرلش و صندقلرك اراسنده دخى
برمنغال بولمش اولديغى و مغازه نك كار كير
وقبولر ينك تيور اولمى جهته هرايكى مغازه دن
يكديكر ينه آتش سرايتنك غير قابل بولنديغى افاده
و بكجي مصطفى كذلك ترزى نوبار و بكجي حسن
و محمدك افاده سنى مصدق اوله رق مذكور دكانك
طيش قپوسى بالطه ايله قير يله رق كندوسيله بكجي
حسن و محمد و ترزى نوبار و اطه باشى نشان ايله
طيش مغازه يه كيردكلرنده دستكاهك اتنده بولنان
سورمه كوزلرندن آتش چيقمقده و اوستنده كي
بكجي قصبارك دخى يتاغك بر قسمك يانقمده
اولديغى كورملر يله اطفاء ايتدكارى صره ده ترزى
نوبار دپويه كير يله جك تيور قپوسنده آتش حس
ايدرك بيان ايدوب اچروده دخى آتش اولديغى
اكلاشيله رق مذكور قپونك قبالى بولنديغى جهته
طيشارودن بريسي قپونك اوزرنده پنجره واردر
ديمش ايسه ده مرقوم نوبار چيقوب پنجره نك

فسخ شركت ايتدكلرنده متهم مرقومك يندنده
يديوز اللى ليرا قدر سرمايه قالدديغى و صكره
برقوميانيه يه ايكي بيك بشيوز ليرايه مالى سيغورطه
ايتديرمش اولديغى مسموعى ايدوكنى و حريق
حقنده بركونه معلوماتى بولنديغى و متهم
خپارسوم دخى مومى اليه ادهم افندى عليهنده فسخ
شركتدن متولد امنيتى سوء استعمال دعواسى اقامه
ايلمش ايدوكنى و وكيلاردن شابوح افندى دخى
فى الحقيقه مومى اليهك موكلنك مالى طولانديرمش
وحتى كندوسنه دخى مراجعت ايتمش اولديغى افاده
وترزى كرقور دخى بركون تخميناً ساعت اون ايكي
راده لرنده يانغين اولديغى خبر و يريله رك كتديكندده
متهم خپارسومك دكاندن آتش چيقديغى و اهالي نك
قپوي قيروب طيش مغازه ده كي آتشى سوندرمكده
اولديغى صره ده اچ مغازه نك قپوسندن دخى
دومان چيقوب قپونك دخى قبالى اولديغى
سو يلملر يله كندوسى اچرويه كيرميوب طيش
قپونك ياننده طورديغى جهته اورادن دپوقپوسنك
اوستنده پنجره سى وارد پنجره دن باقير ديمش
ايسه ده پنجره نك دخى قبالى اولديغى جوابى
ويرلديكى وانك اوزرينه بكجي ايله او طه باشى
اولوب اسمنى بيله مديكى بر شخصك قازمه و بالطه
كتورمكه كتدكارى صره ده كندوسيده اورادن

صاوشمش اولديغى و او طه باشى نظرت دخى
بركون اقشام اوزرى مقيم بولنديغى خان قپوسنك
او كنده طورمقده ايكن متهم خپارسومك دكاندن
دومان چيقديغى كورمكه كيدوب بكجي حسنه خبر
ويرديكى و بوانشاده دخى او طه باشى نشان
وساثره كلوب بالطه ايله قپوي قيرهرق طاشيدقلى
صو ايله آتشى سوندردكلر نى و يانغين حقنده كي
معلوماتى بوقدر اولديغى بيان ايله افاده مضبوطه سنه
علاوة دخى حر يقدن بش آى صكره نوبار
اسمنده بريسي كله رك سنى شهادته يازديره جفم
مغازه ده ياغلى بزلر وار و قپو دخى قبالى ايدى
ديو سويله قومپانيه يه كيدلم سكا اون ليرا وار
ديمش ايسه ده كندوسى جواب رد اعطا ايدلديكى
و حريقدن برقچ كون صكره دكانى كشفه كمش
اولان قومپانيه مأمورلرى كندوسندن قهوه
وصو اچوب پاره سنى و يرمدكلرندن مطلوبى
ايستمك اچون قومپانيه يه كتديكندده حضور
محكمه ده بولنان او خانس افندى دخى مذكور
دكانده نفت ياغلى پچاوره كورديكنه دائر شهادت
ايتمى اچون كندوسنه اون ليرا وعد ايتمش و بو
جهتي احباسندن تكفور طاغلى او خانسه حكايه ايله
اون ليرايى الوب كيفيتى حكومه خبر و يرمك
فكرنده بولنديغى سو يلمش اولديغى و مؤخرآ

تکرار قومپانیه کیتدیکنده مومی الیه اوخانس
افندی سویلدیکی اونوتدیگرمی و پاره‌ی برقاج
کشینک یاننده ویره‌جکم دیمش ایسه‌ده بالآخره
پاره‌ی المغه موفق اوله‌مدیغی افاده و اوخانس
افندی دخی مرقوم نظرتی طانیدیغی کی بویه
برشینک وقوعولمادیغی بیان ایتدی اوزرینه کرک
دائرة استنطاقده و کرک هیئت اتهامیه‌جه مضبوط
اولان افاده‌سنده بوجهتی نه ایچون سویلمدیکی
استیضاح اولندقدنه کندوسندن بوجهتی صورمدقلری
جهتله سویلمامش اولدیغی بیان ایتمکه حضور
محکمه‌ده افاده‌سنده دخی بو جهتله صورلمدیغی
حالده سویلمکه مجبوری نه ایدوکی لدی الاستیضاح
اختیار سکوت ایلدی شهوددن مهران دخی
سویلتدیرلدکده کندوسنک یانغین حقنده معلوماتی
اولمیوب انجق برکون یولده تصادف ایتدیکی
ترزی نوبار ایله بغچه قوسندن کچدکلی صره‌ده
راست کادکاری اولجه طانییوب مؤخر آسمنی
اوکرندیکی کهر بارچی خپار سوم مرقوم نوباره
سلام و یردکن صکره نه خبر سنی شهادته
چاغرمشله نه سویلدک دیو واقع اولان سؤالنه
مرقوم نوبار دخی اد ایچون نه بیلور ایسه
سویلم دیمکه مرقوم خپار سومک تکرار وقع
اولان سؤالی اوزرینه دکانه‌کی پنجره قیالی

ایدی بنده اویله سویلم اوراده یمین وار دیمش
اولدیغندن خپار سوم دخی رجا ایدرم بردها
چاغیرلر ایسه آجیق اولدیغی سویله دیمسنه
جواباً نوبار دخی یلان سویلیه‌میه‌جکنی بیان
ایتمکه مرقوم خپار سوم بن بجره‌مد م بویه
اوله‌جغنی بیلسه ایدم بردنبره آتشرلی هوایه
قالدیر ایدم دهرک کندولردن آیرلدیغی
ومعلوماتی بوندن عبارت ایدوکی تذکار وموسیو
بونسی دخی کندوسی ابنیه قالفه‌سی اولق حسیه
حریق اوج و یا دردنجی کونی قومپانیه طرفندن
محل حریق اعزام قلنه‌رق مشهوداتی مین خریطه
تنظیم ایتمش اولدیغی بیان ایله محکمه‌یه بر قطعه
خریطه ابراز وتقدیم ایدرک مذکور دکانک
آتش وضع اولنان محللری طرفینه تعریف
وارانه ایله خارجدن دکان درونه آتش قونلمسی
ممکن اولدیغی کی طیش مغازه‌دن ایچ مغازه‌یه دخی
آتشک سرائی قابل اولدیغندن قصداً ایقاع
حریق تشبث ایدلدیکنک اکلالمش اولدیغی
افاده ایتمکه وکیللردن رفیق بک کرچه اوراق
میانده دخی بر خریطه بولنمقده ایسه‌ده و خریطه‌نک
دخی نتیجه محاکمه‌یه دکن ایقونلمسنی درمیان
ایتمکه مذکور خریطه بعدالاخلد معاون مومی الیه
دخی ادعا شهودندن اسعد بک جلبنامه‌ی امضا

ایلدیکی حالده ورود ایتامش اولدیغندن حقنده
اصول محاکمه‌جه لازم کلان معامله قانونیه‌نک
اجراسنی طلب ایتمکه مومی الیهک مضبوط اولان
افاده محلفه‌سی لدی القرائه مالی براقشام اوزری
ساعت اون ایکی راده‌لرنده یانغین وار صداسی
مسموعی اولغله خانه‌سندن طیشارویه چیقدیغنده
خپار سومک دکاندن دومان چیقدیغی واهالینک
دخی اورایه بریکدیکی کوروب مذکور دکانک
قبوسنی قردیره‌رق بکی حسن و محمد چاوش ایله
اسنی بیله‌مدیکی بر ترزی ایچرویه کوروب یانغینی
اطفایه چالیشدقلری و یانغینک سبب ظهوریه
مغازه‌لرک داخل وخارجی حقنده طیشاروده
طوردیغی جهتله برکونه معلوماتی اولدیغی افاده
ایلدیکی اکلالمغله ومومی الیهک استماع اولنان
شهودک افاداندن فضله بر شی بیان ایده‌مدیکی
جهتله معاون مومی الیهک طلبی وجهله حقنده
اصول محاکمه‌جه معین اولان معامله‌نک اجراسنه
لزوم کوریه‌مدیکنه بالتذکر قرار و یریه‌لرک
بعدالتفهیم وکیللردن شایوچ افندی ادعا شهودندن
نوبارک شاهدکاذب اولدیغی استماع ایدیلان اوطه
باشی نظرت وترزی مغردیجک افاداتیله ثابت
کورلمش وبوکی شاهدلرک کاذب اولدیغی برطرفدن
ادعا ایدلیدیکی حالده توقیف ایدیلوب حقنده تحقیقات

لازمه‌نک اجراسی اصول محاکمه‌اقضاسندن بولنش
اولدیغندن مرقوم نوبارک تحت توقیفه التمسنی
ومرقومک شهادتنک ماهیتی ایسه کویا موکلی
تصادف ایتدیکی مهران ونوباره قیونک آجیق
اولدیغی سویلمسنی رجا ایتدیکی حالده بولردن
نوبار یلان سویلیه‌میه‌جکنی قطعاً بیان ایتش
وشو حالده مرقومک طوغری سویلر بر آدم
اولدیغی اکلالمش تقدیرده موکلی خپار سومک
بیامدم بردن پارلادیر ایدم سوزینی مرقومانه
سویلمیه‌جکی درکار بولنش و مدافعه شاهدلری
دخی بوجهتی تأیید وتذکار ایلش اولملری ایله
تظاهر ایدلیدکندن مرقومک تحت توقیفه التهرق
بر مستنطق تعیین ایدلمسنی ومشتکی صفتنده بولنان
قومپانیه‌کلنجه قومپانیه طرفندن هرکیمک یدنده
قومپانیه‌نک بریملری وار ایسه اوقونومیق
قومپانیه‌سنه کتورمسی ایچون رسماً مونیتور
اوریانثال غزنه‌سیله اعلان ایتدیرمش وشو حالده
مذکور قومپانیه‌نک پیاسه‌دن چکلمک فکرنده
بولدینی کی دیرکتور هوفانده بر راده بر وکیل
براقه‌رق لوندریه صاوشمش اولدیغندن قومپانیه‌نک
بوراده مرکزی اولوب اولدیغنک و حال اقتدارده
بولوب بولنمدیغنک تحقیقی ومونیتور اور یانتال
غزنه‌سنده کور یلان اعلانک افلاسه مستند اولوب

اولدینک اوخانس افندیمن سورلمسنى وشاهدلردن
ترزى قره بت اسمنده بریسنگ دخى وانه کتدیكى
سویلندیکندن باتلغراف مرقومك اورا جه افاده سنك
ضبط ایدلمسنى و حریقك ظهورى عقینده
قومپانیه مأمورلری کلوب موکلنك دفاتر موجوده سنى
اخذ و ضبط ایتدیكى کبی دفترلم بوندن عبارتدر
دیو موکلنك یدندن دخى برسند اخذ ایلمش
وحالبوکه موکلنك دفترلری طقوز عدد ایکن بوندن
عبارتدر دینلرک یدى عدد ادعا قلمش و مذکور
مغازنك اختارلری دخى طول مدت قومپانیه
تزدنده قالدینی حالد ایکنجی دفعه اجرا ایدیلان
تحقیقاتده تسلیم ایلمش وشواحواله نظر اقومپانیه نك
مفتزی اوله جنی دخى مختمل بولنمش اولدینندن
بولنرک ظاهره اخراجی ایچون تحقیقات لازمه
اجراسنى طلب و دیگر وکیل رفیق بك دخى
حریقك وقوع بولمسنى معقب قومپانیه عاتضابطه
عدلیه وظیفه سنى اجرا ایدرک موکلنك دفترلری
ضبط وخریطه تنظیم وشاهد تدارك ایلمش
وحالبوکه بوکبی تحقیقات اجراسى مامورین ضابطه
ومستنطقه عائد بولنمش اولدینندن قومپانیه نك
بو یله بر معامله اجراسنه صلاحیتی اولدینغی درمیان
ومعاون مومى الیه ممدوح بك دخى نوبارک شاهد
کاذب اولدینغی حقنده شابوح افندی طرفندن

اعطای تفصیلات ایدلمش ایسه ده نوبارک معلومات
ومشهوداتی کرک بکجیلر و کرک شهود سائرهنك
تماماً تأیید وتصدیق ایتمش اولدقلردن مرقومه
یلان شاهده دینلهمیه جکنى و وانه بولنان
قره بتك اورا جه افاده سنك ضبط ایدلمسنه کنججه
محل آخرده بولنان شاهدلرک دائره استنطاقجه
حواله صورتیه افاده سى ضبط ایتدی یلور ایسه ده
محکمه جه بوکبی بر معامله یه مساغ قانونی اولیوب
یا شاهدك افاده مضبوطه سیله اکتفویا خود شاهده
جلب ایله افاده سنه مراجعت ایتسنى محکمه نك
تقدیرینه محول ایدوکنی ونوباردن نظرتیه بویله
برشى سولیبوب سولمديکنك صورلمسنى اتیان
ورفیق بك دخى نوبارک استماع ایدیلان شهودك
افاده لری خلافتده برشى سولمديکي جهته مرقومه
یلان شاهده دینلهمیه جکنى مدعى عمومیک
مقامندن درمیان ایدیلور ایسه ده شهود مستمه
نوبارک حریقده بولندینغی تصدیق ایدوب کرچه
محکمه مرقومك بوندن زیاده کی افاده سنى قبول
ایتمز ایسه برشى دینلهمیه جکنى و چونکه کندیلر بنك
یلان دیدکلری جهت کویا موکلنك بیله ایدم بردن
پارلادیر ایدم دیدکی حقنده کی افاده سى اولدینغی کی
دیگر شاهدلر اثنای حریقده دکانده کهر بار
اغزقلری بولندینغی سولمديکی حالد مرقوم نوبار

کهر بار اغزقلری محو ایدرک تحت اغزقلری
اولدینغی سولمسی دخى خلافی التزام ایتدیکنه
دلیل اولدینغی مثللو ظاهر حال دخى کندوسنى
تکذیب ایتکده ایدوکنی درمیان ومعاون مومى الیه
دخى وکیل افندیلر نوبارک مؤخرأ خپار سومی
کورمسی اوزرینه خپار سومك سولمديکی سوزی
نظر دفته المیورلر ایسه ده نوبارک بوافاده سنى
شهود مستمه دن مهرانك دخى تصدیق ایلدیکنی
بیان ومومى الیه رفیق بك دخى هرا یکسنى حقنده
ادعاده بولندقلر بنی اتیان ایتلریله مرقوم نوبارک
نظرتیه بویله بر تکلیفده بولنوب بولندینغی صورلدقه
قطعیاً مرقومه کیدوب برشى سولمديکي افاده
ومشتکی اوخانس افندی دخى قومپانیه نك
دیرکتوری موسیوهوفان یالکز سیغورطه معاملاتیله
اشتغال ایتیبوب معامله تجاریه ایله دخى مشغول
بولندینغی ومومى الیه ایچون لوندیه فرار ایتدیکی
وقومپانیه اعلان افلاس ایتدیکی شابوح افندی
طرفندن درمیان ایدلمش ایسه ده مومى الیه فرار
ایتمیوب لاجل المصلحه لوندیه کیدوب عودت
ایتمک اوزره اولدینغی مثللو مومى الیه یالکز بو
قومپانیه دیرکتوری اولیوب باتریوتیق قومپا-
نیه سنك دخى دیرکتوری بولنمش و بو ایکی
قومپانیه دخى برلشمش اولدینغی ونظارتك

افاداتنك اصل واساسی اولیوب قومپانیه نك دخى
ایکی بیک بشیوز لیرا ایچون اعتبار وناموسنى
یا مال ایتیبوب حتی کچن کون بك اوغلنده وقوع
بولان بر حریقده قومپانیه نك بیک سکر یوز لیرا
ویردیکنی لزوم کوریلور ایسه اثبات ایدجهکنی
وقومپانك اجرا ایتدیکی تحقیقاته کنججه سیغورطه
قومپانیهلری متضرر اوله جقلردن تحقیقات
اجراسنه مجبور اولوب چونکه قصداً حریقك
ایقاع ایدلیدیکی تحقق ایدر ایسه پاره ویرلیوب
ا کرچه قضاء اولدینغی اکلاشیلور ایسه در حال
سیغورطه بدلی تأدیه ایدیلجهکنی افاده ومعاون
مومى الیه دخى کچن محاکمه ده اوخانس افندی نك
صفتیه ایدیلان اعتراض اوزرینه مومى الیهك
مشتکی اولدینغی محکمه جه قرار ویرلش و کرچه
قومپانیه اعلان افلاس اوزره ایسه مومى الیهك
صفتی قالمیه جغندن بو باید برقرار ویرلمسنى
درمیان وکیل شابوح افندی دخى محل آخرده
بولنان شهودك افاده سنه حواله صورتیه محکمه نك
مراجععت ایتسنى حقنده اصول محاکمه ده صراحت
بولندینغی اتیان ایتلریله وانه بولنان ترزى
قره بتك افاده محلفه سى لیدی القرائه مالی مذکور
دکاندن حریق ظهور ایدوب مختار اسعد بکک
امریله بکجیلر طرفندن مذکور دکانک تیمور

کینکی قیریلوب بکچی حسن و محمد چاوش و او طه
باشی نشان و ترزی نو بارک ایچرویه کیردکرنی
و کندوسنکده سائرله صو طاشیدینی جهته
ایچرویه کیرمدیکنی افاده ایلدیکي ا کلاشیله رق
مذا کره او طه سنه عودتله ایجابی لدی التذکر
ترزی نو بار و مهرانک افاده لرله او طه باشی نظرت
و ترزی مغر دیک افاداتنک تعیین و تفریق محکمه نك
تقدیرینه محول اولدیغدن مرقومانک تحت توقیفه
النملر تی مقام ریاستدن لزوم کوریه مدیکنه
وسیغورطه قومپانیه لر بنک عقیب و قوعاعده هر
درلو تحقیقات و تدابیره مراجعت ایتمکه حق
و صلاحیتلری اولدیغدن کرچه خپار سومک
قومپانیه طرفدن ضبط ایدلش دفترلری نقصان
ویرلش ایسه محکمه جنایتجه برشی دینله میوب
محکمه حقوقه مراجعت ایتملرینه و ترزی قره بتک
دخی کرک حواله صورتیه استجوابه و کرک
جلبنه لزوم قانونی کوریه مدیکنه و محکمه قومپانیه یی
مشتکی طانیدیندن و قومپانیه نك دخی افلاسنه
دائر بر اشعار رسمی اولدینی کی تحقیق و تدقیق
دخی محکمه نك وظیفه سی خارجنده بولندیغنه
متفقاً قرار ویریلوب محاکمه او طه سنه عودتله
طرفینه تفهیم اولندودن صکره مدافعه شاهدلرندن
ترزی لئون سویلتدیرادکده کندوسی ماکنه جی

قره بت ایله بر دکانه چالیشد قلدن او خانس
افندی اسمنده بریسی بن ملقون افندینک قلدن باشی بم
بنده وانی بم همشهری یز دید کدن صکره کندوسی
طیشارویه چیقوب انلرایچروده قلوب قونشد قلدینی
مرقوم قره بت بن اون اون بر ایرا ایچون جانمی
غائب ایدم دیو باغیره رق طیشارویه چیقیدینده
او خانس افندی دخی امان باغیره دیوب صاوشمش
اولدینی و برکونده ترزی نو بار مرقوم قره بته
عیب دکلی بویه کیرلی انواب ایله کر بیورسک
سندده بنم کی قومپانیه دن پاره ایلدک دیدیکنی
مسموعی اولدینی و بقال نشان دخی یانغیندن
الهی آی صکره نو یار کلوب قلدن باشی او طه باشی
نظرتنه سنی سیغورطه دن ایستورلر اون ایرا وار
دیدیکنی بیان ایله برادری او طه باشی نشانک
بو بایدکی افاده سنی تماماً تصدیق و تکرار و بدروس
دخی متهم خپار سومک دکاندن یانغین ظهور
ایدوب بکچی قصاری ارامش ایسه لرده بولنه
مدیندن قیونک قیریلوب حریقک اطفایلدیکینی
افاده و برکون دخی قومپانیه طرفدن او خانس
افندینک بر قاچ دفعه کندوسنه کلوب پاره و عدیه
شهادته دعوت ایتدیکینی ماکنه جی قره بتک
کندوسنه سویا بکی کی او خانس افندی دخی
ایکی اوچ دفعه قره بتک دکاندن کوردیکینی بیان

اعلان

و عوادیسک دخی بوبابده برکونه معلوماتی اولدینی
اتیان ایتملر یله بوایشدن طولانی مظنون علیه
اولوب منع محاکمه سنه قرار ویرلش اولان بکچی
قصارک مضبوط افاده سی لدی القرائه مفادی وقعه
کونی اقسام اوزری ساعت اونبر بچقدن صکره
خپار سومک امر یله دکانی قیایوب بغچه قیوسنه
اینه رک خپار سومک مبايعه ایتدیکي برنجی بشکطاشده
خانه سنه کوتوروب ساعت ایکی بچقده مغازه یه
عودتنده یانغینک ظهور ایتش اولدینی کورمش
ایسه ده سبب ظهورینی بیله مدیکینی و دیونک
اوستنده کی پنجره نك دخی اولوقت قبالی اولدینی
واوزرنده یتاغی بولنان دستکاهک چکمه لرینک
قبالی ایدوکنی و دیگر بر افاده سننده دخی طیش
مغازه نك اختاری کندوسنده و دیونک انخارلری
دخی خپار سومده اولدینی افاده ایلدیکي اکلاشلمغله
ووقت تنک اولغله اکال محاکمه نك وقت آخره
تعلیق ایدلدیکی طرفینه تفهیم اولندی .

مابعدی وار

ماردین تجارندن حاجی کرموزاده حاجی
عبدالغنی چلبنک و کیلی طرفدن در سعادت ارنبود
قریه سنده اسکله قر بنده واقع کلیسا قارشوسنده کی
خانه ده مقیم دولت علیه دن تجار قسطی یورکیادیس
افندی ذمتنده یوزده بر گذشته سیله یوز عدد عثمانی
لیراسنک اعطاسیله محکومیتنه در سعادت ایکنجی
تجارت محکمه سندن استحصال ایتدیکي ۵۵۶ نومرو
و ۲۸ مایس سنه ۳۰۱ تاریخی اعلام غیابی
موجبجه مبالغ معلومه قارشولغنه محکوم علیه
مرقوم قسطینک ماردین سنجاغنه تابع عونیه قضاسی
قراسندن بافاده قریه سنده واقع طرفلری داود
بحدی وچم دکرمان و جبل ایله محدود یری ملک
برقطعه قواقلق دحله نك درنده اوچ سهمک
تحت حجزه النمی ایچون دائن مومی الیهک
مراجعتنه مبنی مذکور اعلامی و یرن محکمه نك
ریاست علیه می واسطه سیله لدی التبلیغ مرقوم
قسطی تعیین اولنان اقامتگاهنده بولدیله مدینی
مختاری طرفدن و یریلان شرحدن اکلاشلدینی
ریاست مشارالیه نك ۲۸ نومرو و ۱۳ مارت

سنه ۳۰۷ تاريخي تحريرات عليه سيله لفا اعاده قلنان مذيبل تبليغنامه ده بيلديرلش و دائن مومي اليه من بور حجزك اجراي دوامي طلبنده بولنمسي اوزرينه اجرا قانوننك يكرمي طقوزنجي ماده سي موجبجه اوچ ماه مدت ظرفنده مديون اثبات وجود وايقاي دين ايتزسه مذكور دحلده بولنان اوچ ربع حصه شايه سني بلمازيده اون بش كون صكره فروخته تشبث اولنه جنفي اعلان اولنور .

في ۵ اغستوس سنه ۳۰۷



(قيصر يه بدايت محكمه سي اجرا دائره سندن)

قيصريه نك افكره قريه سندن بوديكيان كرمه سي ماريمك محل اقامتكا هي معلوم اوليان برادري هاچي موسيس ذمتنده قيصريه تجارت محكمه سندن صدور ايدوب جريده محاكمك ۲۴۷ نومرو و ه جاذي الاخر سنه ۳۰۱ تاريخي نسخه سيله خلاصه اعلان واشاعه قلنان بر قطعه

حكم اعلامي موجبجه الاجنبي بولنان اوچ بيك درتيوز التمش ايكي غروشي مرقوم هاچي موسيسك هنوز اثبات وجود ايله تاديه ايتامش اولمسنه و دايته من بوره بوكره اعلام مذكوري اصولاً موقع اجرايه وضع ايدرك غائب مرقومك مذكور افكره قريه سنيك خان محله سنده مالك اولديني معلوم الحدود بر باب خانه سيله كذاك قريه مذكوره ده واقع بر باب دكانك على الاصول حجز و فروخته مذكور الاجفك مع فائض ومصارف محاكمه تحصيلي استندا ايلمسنه مبنی اشبو اعلاننامه تاريخندن اعتباراً طقسان بر كونه قدر محكوم عليه مرقوم هاچي موسيس يه اثبات وجود ايتديكي تقديرده ارتق مذكور ديني ايفادن امتناع ايتمش عد ايديله رك مذكور املا كنك على الاصول بالفروخت اتمانندن تسويه دين ايديله چكي جهته تنفيذ اعلامات حقوقيه قانوننك ۲۹ نجی ماده سي موجبجه اعلان كيفيه ابتدار اولندي .

في ۳۰ محرم سنه ۳۰۹
وفي ۲۲ اغستوس سنه ۳۰۷



باندرمه ده مقيم روم ملتندن كوسله جي طناشاكي به ميخالجده مقيم حصرجي اوغلي تسفورك ديني بولنان مبالغ معلومه نك تا مين استيفاسي ضمنتده اولجه حجز ايديلان ميخالجده پروتستان كليسا سي جوارنده معلوم الحدود بر باب دكان ايله سازلقده معلوم الحدود اوچ قطعه طوتلق و قيرلرده بر قطعه طوت حديقهي تاريخ اعلانندن اعتباراً اون بش كونه قدر فروخته تشبث اولنه جفتدن طالب اولنلرك باندرمه بدايت محكمه سي اجرا دائره سنده مراجعت ايلمري اعلان اولنور .

في ۳ ايلول سنه ۳۰۷



تبعه دولت عليه نك ارمني قنوليكي ملتي نسوانندن ترازينه نك قينا ذمتنده غلطه محكمه شرعيه سندن و يريلان في ۱۵ صفر سنه ۳۰۴ تاريخي اعلام سرعي موجبجه الاجنبي اولان مبالغ معلومه نك تا مين استيفاسي ضمنتده مديونه

مرقومه نك عهده سنده اولوب بك اوغلي برنجي حقوق دائره سندن و يريلان اعلام ايله فروختي محكوم بولنان بك اوغلنده پانقالي نام محله جديديه زفاننده واقع يوز اللي بر نومرو ايله مرقم فوقاني و تحتاني درت اوطة و بر صفه وايكي ابدستخانه و بر مطبخ و بر عدد برماء و تخميناً يوز اللي التي ذراع عتيق بغچه يي مشتمل و قوللانшли بر باب اخشاب متلك اشبو تاريخ اعلانندن اعتباراً اون بش كون صكره فروخته تشبث اولنه جفتدن طالب اولنلرك بي سورمك و بوندن ده ز ياده معلومات المقي استيانلرك مدت مذكوره ختامندن صكره در سعادت اعلامات شرعيه اجرا دائره سنده مراجعت ايلمري دائره مذكوره دن اعلان اولنور .

في ۴ ايلول سنه ۳۰۷



متوفى السيد حافظ ابراهيم نشئت افندى
ورثه سنك هر برى تبعه دولت عليه نك روم ملتدن
صلطانه وزوئيچه وديترى وافتري دملرنده قسمت
عسكرى محكمه سندن ويريلان في ٢٩ شوال
سنه ٩٩ تاريخى برقطعه ادانه حجتى موجبنجه
الاجقلر اولان مبالغ معلومه نك تايمين استيفاسى
ضمننده مرقومونك عهده لرنده اولوب مرهون
وفروختى محكوم بولنان هكبه لى اطهده واقع درت
نومرو ايله مرقم بر باب شربتخانه اللهى التى سهم
اعتباريله قرق التى سهم حصه شايه سنك اشبو
تاريخ اعلاندن اعتباراً اون بش كون صكره
فروخته تشبث اولنه جفندن طالب اولنلرك پي
سومك و بوندن دهاز ياده معلومات المق استيانلرك
مدت مذ كوره ختامندن صكره در سعادت اعلامات
شرعيه اجرا دائره سنه مراجعت ايلملرى دائره
مذ كوره دن اعلان اولنور .

في ٩ ايلول سنه ٣٠٧

شكر تجارندن يانينك متوفى حاجى احمد افندي نك
مخدومى حسين بك ذمتنده قست عسكرى محكمه سندن
ويريلان في ٢٩ شعبان سنه ٣٠٧ اعلام شرعى
موجبنجه الاجنى اولان مبالغ معلومه نك تايمين
استيفاسى ضمننده مرهون وفروختى محكوم بولنان
اسكدارده التونى زاده محله سنده باغلر باشنده
طوپخانه لى اوغلى جاده سنده واقع بلا نومرو لى
ايكى بيك بشيوز قرق التى ذراع ملك ترلانك اشبو
تاريخ اعلاندن اعتباراً اون بش كون صكره
فروخته تشبث اولنه جفندن طالب اولنلرك پي
سورمك و بوندن دهاز ياده معلومات المق استيانلرك
مدت مذ كوره ختامندن صكره در سعادت اعلامات
شرعيه اجر دائره سنه مراجعت ايلملرى دائره
مذ كوره دن اعلان اولنور .

في ٩ ايلول سنه ٣٠٧